



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs IX. Confitebor tibi Domine in toto corde meo.

urn:nbn:de:hbz:466:1-44993

LIBER I.

39

- 4 Vt stupens cæli radiantis orbes
 (Qui tuis constant digitis) reuiso,
 Mensuram & lunam vicibusque functa
 Sidera certis!
- 5 Quidue mortaleis sobolemque Adami
 Dicam? vt hos cures memor & secundo
 Numine attendas, foueasque magnis
 Crescere donis.
- 6 Huic, parem, Princeps, animis honorem
 Penè supremis, generi addidisti,
 Vndique & mirè celebri, & decòris
 Dotibus aucto.
- 7 Condidit quicquid tua sacra dextra,
 Gentis humanæ imperiis benignus
 Annuis, cuncta huic, pedibus domanda, &
 Vtibus aptas.
- 8 Quot greges agri pecorum, iugales
 Quotque alunt saltus nemorum; feroxque
 Quadrupes quamuis parulis vagatur
 Plurima campis:
- 9 Quæque libratis secat alta pennis
 Nubila & cælum volucris; marisque
 Monstra, quam multis peragratur ingens
 Piscibus æquor.
- 10 Proles ô nostræ MODERATOR IAS,
 Vnice IAS, vt tua fama cunctis
 Eminent quantum celebranda vasti
 Finibus orbis!

PSALMVS IX.

Confitebor tibi Domine in toto corde meo.

INNOCENTIA ASSERTA.

- 1 Ad præstantem super mortem Laben,
 Psalmus David.

Ode Triolos Tetraſtrophos.

- 2 CORDIS dicatis laudibus integri
 CIAM te, honoro & carmine, proferam,
 Miranda professus, tuique
 Consilij imperijque testis.
- 3 Expleta lætus pectora gaudio
 Cogar sonoris vocibus edere
 Cantus, & æternam superni
 Nominis auxiliique famam:

Hofeis

PSALMORVM

- 30
 4 Hosteis retusis viribus vt meos
 Cerno ruenteis præcipiti fuga,
 Votisq̃ue detrusos malignis
 Vindice te meritos perire.
 5 Causæ innocentis iudicium meæ
 AEquis tulisti lancibus arbiter,
 Innixus auditor fideli
 Sede manens, bonus atque iudex:
 6 Tu separator turbida gentium
 Fundis tremendis vocibus agmina;
 Vnaq̃ue deduci malorum
 Nomina cum iugulis securi.
 7 Iamq̃ue hostis absunt arma minantia
 Numquam nouandis commoda cotibus;
 Vrbesq̃ue constructæq̃ue moles
 Alta ruunt monumenta famæ.
 8 IAS sed omni tempore permanet,
 Thronumq̃ue firmat iustitiæ suum;
 9 Terrasq̃ue mortalesq̃ue turmas
 Iudicijs moderatur æquis.
 10 Sublime pressis præsidium bonus
 IAS vocato numine, constitit
 Præsens, nec ignorandus arctis
 Temporibus dubijsq̃ue vindex.
 11 Ergo tui gens conscia numinis
 IAS per omnes ipse repetit dies,
 Numquam remissa te fouentem
 Se tibi qui exposuere, cura.
 12 Sionis IAM dicite præsidem,
 Gentesq̃ue vates ferte per vltimas,
 Vt norit infractus stupendas
 Consilij stabilire sortes.
 13 Cùm figit vltor pectora noxia,
 Causas piorum persequitur memor,
 Obliuiosa nec querelas
 Aure piæ gemitusq̃ue condit.
 14 Vt rebus hostes inuideant meis
 IAS memento commiserans pater;
 Ac mortis hærentem propinquis
 Postibus eripias redemptor.
 15 Sionis alta ad mœnia debitis
 Vt mira dicam munera laudibus,

Præsentis

LIBER I.

52

- Præsentis ac testem salutis
 Expediam tibi lætus hymnum.
- 16 Defossa gentes subruit æmulas
 Fraus, & latentis, reſcia, pars doli,
 Quæ crura tendentum, pedesque
 Artificis tenuere ſeuos.
- 17 Atque æquus IAS emicat arbiter,
 Dum fraudis auctor decipitur malæ,
 Et iura laudandumque cunctis
 Conſilium enituere ſæclis.
- 18 Expectat atrox ſcilicet improbos
 Inferna ſedes exitij domus;
 Gentesque neglectus recider
 AETHERA QVI REGIT atque terras.
- 19 Namque indigentem ſubſidio pium
 Non vſque rector deſtituet poli,
 Attenta neu fidensque ſemper
 Irrita ſpes miſeris peribit.
- 20 IAS ſupernis furgito legibus;
 Mortalis & ne plus vigeat ſine;
 Præſensque differtorque recti
 Diſpoſitas preme iure gentes.
- 21 IAS pauorem pectoribus tui
 Sanctique ſenſum numinis iniice;
 Mortalis agnoſcatque ſortis
 Gens hominum malè ſana fines.

PSALMVS X.

Vt quid Domine recessiſti longè.

PROBITATIS DEFENSIO.

Ode Dicolos Tetraſtrophos.

- 1 IAS quid penitus diſſitus heu procul
 Ceſſas? quid miſeris temporibus lates?
- 2 Exeretur inops, dum furit impius
 Fraude vt diſpereat ſua.
- 3 Compos non domitæ namque libidinis
 Gaudet magnificis laudibus improbus;
 Venaliſque fauet plaufibus huic cliens,
 IAM ſpernere nec pauet.
- 4 Geſtu præcipiti dum furit impius,
 Nec curat ſuperos, ſe neque cogitat;
 Quin & ſepoſitum conſilijs DEVM,
 Actis arguit & ſuis.

Illius